

Grüaß Gott!

Dös ist der Gruaß im Land Tirol,
er klingt so freundli, klingt so wohl,
und wo du geahst, hearst allebot:

Grüaß Gott!

Und mit „Grüaß Gott!“ will a dös Buach
mit Enk Bekanntschaft schließ'n:

Grüaß Gott Enk alle miteinand!

Nöt anders will's Enk grüaß'n.

Grüaß Gott, mein liabes Vaterhaus
am grüanen Berghang drob'n.

Grüaß Gott, mei Heimatdörfli du,
in Bäum und Wies'n einig'wob'n!

Ös braucht's es alle gleich
das Glück, das im „Grüaß Gott“ gelögn;
drum allen z'samm: Grüaß Gott!

Viel Glück und Sög'n!